



**Utval:** Fylkeseldrerådet i Hordaland  
**Møtestad:** Fylkesutvalssalen 3. etg., Fylkeshuset  
**Dato:** 03.12.2014  
**Tidspunkt:** 12:00-16:00

**Følgjande faste medlemmer møtte:**

| Namn                  | Funksjon  | Representerer |
|-----------------------|-----------|---------------|
| Margot Bertheussen    | Leiar     | PF            |
| Kåre Ystanes          | Nestleiar | PF            |
| Monrad Reigstad       | Medlem    | PF            |
| Anne-Karin Davidsen   | Medlem    | LOP           |
| Arne Gunnar Trædal    | Medlem    | FSF           |
| Jette Lunemann Hansen | Medlem    | A             |
| Dagfinn Vik           | Medlem    | FRP           |

**Følgjande medlemmer hadde meldt forfall:**

| Namn | Funksjon | Representerer |
|------|----------|---------------|
|------|----------|---------------|

**Følgjande varamedlemmer møtte:**

| Namn | Møtte for | Representerer |
|------|-----------|---------------|
|------|-----------|---------------|

**Merknader**

Frå administrasjonen møtte:

| Namn                  | Stilling                               |
|-----------------------|--|
| Erlend Iversen        | Spesialrådgjevar, samferdselsavdelinga |
| Ingeborg Borgen Takle | Rådgjevar, organisasjonsavdelinga      |

## Sakliste

| <b>Utvals-<br/>saknr</b> | <b>Innhald</b>  | <b>Arkiv-<br/>saknr</b> | <b>U.Off.</b> |
|--------------------------|---|-------------------------|---------------|
| PS 53/14                 | Godkjenning av møteinnkalling   |                         |               |
| PS 54/14                 | Godkjenning av sakliste   |                         |               |
| PS 55/14                 | Godkjenning av møtebok frå 06.11.2014   | 2014/557                |               |
| PS 56/14                 | Høyringsuttale klinikkstrukturplanen til tannhelse  | 2014/557                |               |
| PS 57/14                 | Administrasjonen sitt forslag til budsjett 2015 for fylkeseldrerådet  | 2014/557                |               |
| PS 58/14                 | Referatsak (meldingar)  |                         |               |
| RS 45/14                 | Oversikt økonomi - per 17.11.2014   | 2014/557                |               |
| RS 46/14                 | Oversikt over større saker til politisk behandling hausten 2014 - pr november   | 2014/1527               |               |
| RS 47/14                 | Strategi for innfartsparkering - høyrings sak   | 2014/15627              |               |
| RS 48/14                 | Universell utforming - neste generasjon   | 2014/557                |               |
| RS 49/14                 | Invitasjon til fylkeseldreråda frå Rogaland, Hordaland og Sogn og Fjordane si Vestlandssamling 2015, 28.-29. april i Ullensvang | 2014/557                |               |
| RS 50/14                 | Oppnemning av representant og vararepresentant til brukarutvalet til Helse Fonna  | 2014/557                |               |
| RS 51/14                 | Representant til brukarutvalet til Helse Bergen frå fylkeseldrerådet  | 2014/557                |               |
| RS 52/14                 | Representant til brukarutval for pasientar og pårørande ved Haraldsplass diakonale sjukehus frå fylkeseldrerådet                | 2014/557                |               |
| PS 59/14                 | Ymse  |                         |               |

## **PS 53/14 Godkjenning av møteinnkalling**

**Saksprotokoll i Fylkeseldrerådet i Hordaland - 03.12.2014**

### **Vedtak**

Fylkeseldrerådet godkjente møteinnkallinga.

## **PS 54/14 Godkjenning av sakliste**

**Saksprotokoll i Fylkeseldrerådet i Hordaland - 03.12.2014**

### **Vedtak**

Fylkeseldrerådet godkjente sakslista.

## **PS 55/14 Godkjenning av møtebok frå 06.11.2014**

### **Forslag til avgjerd**

Fylkeseldrerådet vedtek å godkjenne møteboka frå 06.11.2014.

**Saksprotokoll i Fylkeseldrerådet i Hordaland - 03.12.2014**

Arbeidsutvalet har vedteke at eldrerådskonferansen neste år vert heldt 20.-21. mai.

### **Vedtak**

Fylkeseldrerådet vedtok å godkjenne møteboka frå 06.11.2014.

## **PS 56/14 Høyringsuttale klinikkstrukturplanen til tannhelse**

### **Forslag til avgjerd**

Fylkeseldrerådet vedtek å sende ein slik uttale til tannhelseavdelinga angående klinikkstrukturplanen:

**Saksprotokoll i Fylkeseldrerådet i Hordaland - 03.12.2014**

### **Vedtak**

Fylkeseldrerådet vedtok å sende ein slik uttale til tannhelseavdelinga vedrørande klinikkstrukturplanen:

Fylkeseldrerådet i Hordaland er kjend med dei endringar som ligg føre når det gjeld forslag til ny klinikkstrukturplan i Hordaland. Planforslaget syner ein betydeleg reduksjon i talet tannklinikkar i fylket med fleire ulike grunngevingar. Det er lagt vekt på større lokale med fleire rom som er fysisk betre tilpassa heile folket – Universell utforming, tilgjenge på betre og meir avansert utstyr, stabilt personale og betre tilgang på kompetanse.

Fylkeseldrerådet meiner det er serleg positivt at tannhelse i aukande grad har betra seg og at dette og gjeld den eldre del av folket. God tannhelse har stor innverknad på helsa generelt hjå alle aldersgrupper. Forslaget frå fylkestannlegen skal ut frå planen som føreligg gjeva eit betre tannhelsetilbod til ulike lovpålagte grupper. Rådet vil særleg sjå nærare på tilhøva for dei eldre i høyringsuttalen.

### **Tannhelsetenesta til lovpålagte grupper**

I lov om tannhelseteneste er nedfelt at den offentlege tannhelsetenesta skal gjeva eit regelbunde og oppsøkjande tilbod til barn og unge under 18 år, til psykisk utviklingshemma og til eldre, langtidssjuka og uføre i institusjon og heimesjukepleie.

Fylkeseldrerådet vil i fyrste rekke retta merksemda til punktet som omhandlar grupper av eldre og uføre både i institusjon og heimesjukepleie. Når det gjeld klinikkar på sjukeheimar ser vi i planen at det er 5 sjukeheimar som har eigen tannklinikk der alle ligg i Bergen kommune. Dei andre sjukeheimsbebuarane ute i distrikta og likeeins heimebuande som treng heimesjukepleie lyt i dag reise til næraste hovudklinikken for behandling.

For å unngå dei ulemper det vil medføre å reise til tannklinikk utanfor institusjonen er å heve standaren på dei eksisterande tannklinikane ei betre løysing for pasientar ved dei institusjonar dette er aktuelt. Fylkeseldrerådet meiner tannklinikane knytt til sjukeheimar må oppretthaldas.

Fylkestannlegen bør legge til rette for ei tannhelseteneste der alle grupper som rettmessig er knytt til «*Lov om tannhelsetenesta*» får eit best mogleg tannhelsetilbod når klinikkstrukturen vert endra. Ulemper planen kan medføre må ein unngå i størst mogleg grad.

### **Reisetid /Reiseavstand**

Fylkeseldrerådet meiner dei største ulempene for einskilde grupper/einskild pasient vil vera endring i reiseavstand/reisetid, ulikt frå kommune til kommune. Dei aller fleste treng reisefylje med dei avstandar fylkestannlegen legg opp til. For dei kommunar som må nytte både fergje og busstransport/drosje til tannklinikken kan ulemper dette medfører verta ei stor belastning for mange. Dette gjeld dei fleste grupper i distriktet både heimebuande og i institusjon, særleg den eldre del av folket.

I planen gjev Fylkestannlegen uttrykk for ei akseptabel reisetid opp mot ein time kvar veg til tannklinikane, fylkeseldrerådet er usamd i denne vurderinga. Einskilde pasientar kan ut frå både fysisk og psykisk helsetilstand påførast unødige ulemper. Ein bør taka omsyn til at einskilde kommunar må nytte både fergje i tillegg til buss, drosje eller anna transport der reisetida kan strekke seg over betydeleg lenger tid enn reiseplanen syner. Både ventetid på fergje og andre upårekna ulemper kan vera årsak til ei lenger reisetid enn forventa. Særleg for eldre og uføre pasientar kan reisetida verta ei unødig påkjenning.

I klinikkstrukturplanen har fylkestannlegen i fyrste rekke teke omsyn til økonomi og kompetanse, noko som sjølvstøtt er turvande. Fylkeseldrerådet meiner ein i planen ikkje har teke tilstrekkelig omsyn til reisetid/avstand til tannklinikkar og ulemper dette kan medføre for ulike grupper. Rådet meiner omsyn til den forventa auke av den eldre del av folket i åra frametter er lite synleg i klinikkstrukturplanen.

For å unngå unødig lang reisetid meiner fylkeseldrerådet det må kunna innreiast ein buss til tannhelseteneste, slik at eldre menneskje slepp å reise langt av garde for å stelle tennene sine. Fylkeseldrerådet tenkjer fyrst og fremst på menneskje som bur på institusjonar og eldre som er heimebuande, men som er funksjonshemma eller har vanskeleg for å kome seg til tannhelsetenesta. Dette gjeld særleg i distrikta som misser dei fleste av tannhelseklinikane sine.

### **Tannhelsepersonale**

Klinikkstrukturplanen legg opp til større klinikkar med tilstrekkelig utstyr og fagkompetanse der tilsette får et stabilt og godt fagmiljø. Det vert og framheva at ambulering er lite ettertrakta blant tilsette. Sjølv om tilsette stundom lyt ambulerer til tannklinikkar som ikkje dagleg er i bruk stiller fylkeseldrerådet seg undrande til at dette ofte vert vurdert som hovudgrunna til at tilsette søker seg bort frå distrikta.

Tannpleiarane er ei viktig og turvande ressurs og tilsynelatande ei stabil gruppe ute i distrikta. Tannpleiarane er ofte den tilsette både born og eldre møter fyrst i samband med tannbehandling på tannklinikane. Fylkeseldrerådet ser det som særleg turvande at fleire mindre klinikkar i distrikta vert oppretthaldne av omsyn til regelmessig tannpleie / behandling hjå enkelte grupper. Lengre avstand og reisetid kan medføre at einskilde pasientar utsette seg for nødvendig tannbehandling.

Fylkeseldrerådet ser at det er fleire gode grunngevingar for endringar i klinikkstrukturplanen. Rådet meiner ein må vurdere nærare dei ulempene som endra avstandar og reisetid kan påføre enkelte pasientgrupper der tannhelsetenesta er lovpålagt. Ovannemnde bør setjast i ein vidare samanheng med heile klinikkstrukturplanen i fylket.

## **PS 57/14 Administrasjonen sitt forslag til budsjett 2015 for fylkeseldrerådet**

### **Forslag til avgjerd**

Med atterhald i fylkestinget sitt vedtak i PS 258/2014 Årsbudsjett 2015 / økonomiplan 2015-2018 (saksnummer frå fylkesutvalet) vedtek fylkeseldrerådet slikt budsjett for rådsarbeidet i 2015:

### **Saksprotokoll i Fylkeseldrerådet i Hordaland - 03.12.2014**

#### **Vedtak**

Med atterhald i fylkestinget sitt vedtak i PS 258/2014 Årsbudsjett 2015 / økonomiplan 2015-2018 (saksnummer frå fylkesutvalet) vedtek fylkeseldrerådet at endeleg budsjett for 2015 vert vedteke på neste rådsmøte med slike endringar:

- Dei resterande 75 000 kr vert inkludert under Vestlandssamlinga.
- Vestlandssamlinga får eit eige prosjekt slik at det vert enkelt å sjå kva ein har til kvart arrangement.

## **PS 58/14 Referatsak (meldingar)**

### **Saksprotokoll i Fylkeseldrerådet i Hordaland - 03.12.2014**

#### **Vedtak**

*RS 49/14 Invitasjon til fylkeseldreråda frå Rogaland Hordaland og Sogn og Fjordane si Vestlandssamling 2015, 28.-29. april i Ullensvang:* Administrasjonen vert bedt om å sende ein ny e-post til dei to andre fylka for å få innspel til tema. Forslag frå rådet var kommunestruktur (fylkesmannen), samferdsel og universell utforming.

*RS 50/14 Oppnemning av representant og vararepresentant til brukarutvalet til Helse Fonna:* Det vart føreslått at då fylkeseldreråda i Hordaland og Rogaland sine to representantar i brukarutvalet vart redusert til ein skulle denne gå til Rogaland, utan at Hordaland fekk beskjed om denne endringa. Det er nå teke tak i og Rogaland og Hordaland vil veksle på representant og vararepresentant. For denne perioden vil Kåre Ystanes vere varamedlem.

**RS 45/14 Oversikt økonomi - per 17.11.2014**

**RS 46/14 Oversikt over større saker til politisk behandling hausten 2014 - pr november**

**RS 47/14 Strategi for innfartsparkering - høyringssak**

**RS 48/14 Universell utforming - neste generasjon**

**RS 49/14 Invitasjon til fylkeseldreråda frå Rogaland, Hordaland og Sogn og Fjordane si Vestlandssamling 2015, 28.-29. april i Ullensvang**

**RS 50/14 Oppnemning av representant og vararepresentant til brukarutvalet til Helse Fonna**

**RS 51/14 Representant til brukarutvalet til Helse Bergen frå fylkeseldrerådet**

**RS 52/14 Representant til brukarutval for pasientar og pårørende ved Haraldsplass diakonale sjukehus frå fylkeseldrerådet**

## **PS 59/14 Ymse**

### **Saksprotokoll i Fylkeseldrerådet i Hordaland - 03.12.2014**

#### **Vedtak**

*Landskonferanse 2016:* Fylkeseldrerådet i Rogaland vart tildelt ansvar for landskonferansen i 2016, men etter ein søknad til fylkeskommunen om støtte til arrangementet fekk dei avslag. I samband med det sendte dei ei førespurnad til fylkeseldrerådet i Hordaland om rådet hadde moglegheit til å arrangere landskonferansen i 2016. Etter dialog mellom dei to leiarane vart det avklart at fylkeseldrerådet skal ta opp saka på ny.